



---

Broj: 08-45-1-1603-2/22

Datum: 8.7.2022. godine

Na osnovu Strategije razvoja Općine Tešanj 2018-2022, Odluke o izvršavanju Budžeta Općine Tešanj za 2021. godinu, Smjernica za podnosiocima prijava kod realizacije Projekta "Podrška razvoju start up ideje mladih" u Općini Tešanj broj 08-45-1-1603/22 od 8.7.2022. godine i člana 30. Statuta Općine Tešanj ("Službeni glasnik Općine Tešanj" broj 7/11) Općinski načelnik raspisuje

**JAVNI KONKURS  
za odabir korisnika grant sredstava po  
Projektu "Podrška razvoju start up ideje mladih 2022"**

### **I Predmet javnog konkursa**

Općina Tešanj raspisuje Javni konkurs za prikupljanje prijave za odabir korisnika Grant sredstava Općine Tešanj po Projektu "Podrška razvoju start up ideje mladih". Sredstva grant sheme usmjeriti će se na poticanje i promociju poduzetništva i samozapošljavanja na području općine Tešanj. Kroz realizaciju Projekta treba da se doprinese ostvarenju ciljeva Projekta:

- povećanje broja novoosnovanih privrednih subjekata;
- povećanje broja zaposlenih kroz samozapošljavanje i novo zapošljavanje.

### **II Korisnici sredstava**

Prijave mogu podnijeti punoljetne osobe do 35 godina starosti (navršeni 35 godina ili manje na dan potpisivanja ugovora) sa prebivalištem na području općine Tešanj, koji žele kroz početak vlastitog biznisa realizirati svoju poslovnu ideju na području općine Tešanj.

Korisnici sredstava Grant sheme mogu biti fizička lica, pojedinačno ili u grupama, koji nisu imali registrovanu djelatnost u periodu od 1.1.2018. godine do potpisivanja ugovora o grantu, ukuljučući i članove uže porodice (otac, majka i supružnik), a sve u skladu sa Smjernicama.

### **III VRIJEDNOST POJEDINAČNIH PRIJEDLOGA**

Detaljan opis prihvatljivih troškova i iznosi je dat u Smjernicama za podnosiocima prijave.

Financijski iznos sredstava po jednoj prijavi, bez obzira da li se radi o pojedinačnoj ili grupnoj prijavi zavisi od prihvatljivih troškova iz Smjernica, a kako slijedi:

- subvencioniranje troškova registracije djelatnosti, jednokratno;
- subvencioniranje dijela bruto plaće za maksimalno dva novouposlena po prijavi, u trajanju do 12 mjeseci;
- subvencioniranje dijela troškova uređenja i opremanja poslovnog prostora;
- subvencioniranje dijela troškova zakupa prostora;
- subvencioniranje dijela troškova nabavke opreme, mašina, alata i/ili repromaterijala.

Odobrena sredstva za refundaciju po jednom korisniku ne mogu biti veća od 9.000,00 KM.

#### IV Način podnošenja prijava

Podosilac prijave priprema svoju prijavu u skladu sa Smjernicama za podnosiocima prijave koje su sastavni dio aplikacionog paketa i dostupne su na web stranici Općine Tešanj [www.opcina-tesanj.ba](http://www.opcina-tesanj.ba) ili se mogu dobiti na mail adresi: [poslovneideje@opcina-tesanj.ba](mailto:poslovneideje@opcina-tesanj.ba), kao i sve dodatne informacije.

Prijavni obrazac i mala koverta sa ličnim podacima (ime, prezime, adresa, kontakt telefon i mail) dostavljaju u drugoj zatvorenoj koverti lično u Prijemnu kancelariju Općine Tešanj (kancelarija br. 7), općinskim uredima Jelah i Tešanjka ili poštom na adresu:

**OPĆINA TEŠANJ, Trg Alije Izetbegovića br. 1, 74260 Tešanj**

#### s naznakom:

Ne otvarati – Za javni konkurs za odabir korisnika Grant sheme “Podrška razvoju start up ideje mladih”.

Krajnji rok za podnošenje prijave je **26. august 2022. godine.**

#### V Evaluacija i odbair korisnika sredstava

Evaluacija i odabir korisnika sredstava će se vršiti u skladu s kriterijima i procedurom koji su utvrđeni u Smjernicama za podnosiocima prijave.

#### VI Dodatne informacije za podnosiocima prijave

Za sve zainteresirane kandidate Općina Tešanj će organizirati prezentaciju i edukaciju u cilju pružanja dodatnih informacija o načinu popune prijavnog obrasca, te dati odgovore i na druga pitanja vezana za javni konkurs. Termin prezentacije i edukacije bit će naknadno utvrđen i objavljen.

Dodatna pitanja u vezi sa javnim konkursom se mogu dostaviti putem elektronske pošte najkasnije sedam dana prije isteka roka za podnošenje prijave, a sve putem mail: [poslovneideje@opcina-tesanj.ba](mailto:poslovneideje@opcina-tesanj.ba).

#### Dostavljeno:

1. Internet stranica Općine Tešanj
2. Lokalni mediji
3. Oglasna tabla
4. a/a



OPĆINSKI NAČELNIK

*[Handwritten signature]*  
\_\_\_\_\_  
mr. sc. Suad Huskić

*[Handwritten signature]*